

	<b>შპს უსაფრთხოების აკადემია</b>	თარიღი	იანვარი 2024
		თავი/მუსლი	1 - 5
	<b>საგანმანათლებლო პროგრამებში ცვლილებების შეტანის პროცედურა</b>	გვერდი	1/3
		რევიზია	0

დანართი 19

**შპს უსაფრთხოების აკადემია**

**დამტკიცებულია:**

კოლეჯის საბჭოს თავმჯდომარე:

დავით მამბიშვილი

08/02/ 2024 წ.



**საგანმანათლებლო პროგრამაში**

**ცვლილებების შეტანის და გაუქმების პროცედურა**

თბილისი 2024

	<b>შპს უსაფრთხოების აკადემია</b>	თარიღი	იანვარი 2024
		თავი/მუხლი	1 - 5
	<b>საგანმანათლებლო პროგრამებში ცვლილებების შეტანის პროცედურა</b>	გვერდი	2/3
		რევიზია	0

**მუხლი 1. პროცედურის მოქმედების სფერო**

1.1. წინამდებარე დოკუმენტი განსაზღვრავს კოლეჯის შპს უსაფრთხოების აკადემიის (შემდგომში – აკადემია) საგანმანათლებლო პროგრამაში (შემდგომში – პროგრამა) ცვლილებების შეტანისა და გაუქმების წესს, შესაბამისობაშია მოქმედ კანონმდებლობასთან და კოლეჯის ნორმატიულ აქტებთან.

**მუხლი 2. საგანმანათლებლო პროგრამაში ცვლილებების განხორციელება**

- 2.1. ხარისხის უზრუნველყოფის სამსახური მონიტორინგის შედეგების საფუძველზე შეიმუშავებს პროგრამაში შესაგანი ცვლილებების რეკომენდაციებს და წარუდგენს კოლეჯის საბჭოს;
- 2.2. კოლეჯის საბჭო განიხილავს ხარისხის უზრუნველყოფის სამსახურის რეკომენდაციებს და აძლევს მითითებებს პროგრამის ხელმძღვანელს/ხელმძღვანელებს ან კოორდინატორს პროგრამაში ცვლილებების გათვალისწინების თაობაზე;
- 2.3. პროგრამაში ცვლილებების შეტანის ინიციატორი, ხარისხის უზრუნველყოფის სამსახურის გარდა, შეძლება იყოს პროგრამის ხელმძღვანელი/ხელმძღვანელები ან სხვა დაინტერესებული პირები, რომლებიც სფეროს განვითარების გენდერციების, შრომის ბაზრის ან გარე შეფასების გათვალისწინებით კოლეჯის საბჭოს წარუდგენენ პროგრამის ცვლილებების დასაბუთებულ პროექტს;
- 2.4. კოლეჯის საბჭო განიხილავს პროექტს და მოქმედ სტანდარტებთან შესაბამისობის დასადგენად გადასცემს ხარისხის უზრუნველყოფის სამსახურს, რომლის დადებითი შეფასების საფუძველზე ამტკიცებს პროგრამაში შესაგანი ცვლილებებს;
- 2.5. პროგრამაში ცვლილებების განხორციელების შემთხვევაში, სასწავლო პროცესის მართვის სამსახური სტუდენტებს სთავაზობს ინდივიდუალურ სასწავლო გეგმას, რომელშიც ასახულია პროგრამაში გატარებული ცვლილებები.

**მუხლი 3. საგანმანათლებლო პროგრამის შესაბამისობის დადგენა მოქმედ სტანდარტებთან**

- 3.1. ხარისხის უზრუნველყოფის სამსახური შეისწავლის და ადგენს საგანმანათლებლო პროგრამის შესაბამისობას მოქმედ სტანდარტებთან, აგრეთვე – კოლეჯში მოქმედ რეგულაციებთან;
- 3.1. ხარვეზის გამოვლენის შემთხვევაში, პროგრამა თანდართული შენიშვნებით უბრუნდება პროგრამაზე მომუშავე ჯგუფს;
- 3.2. ხარვეზების აღმოფხვრის შემდეგ პროგრამაზე მომუშავე ჯგუფი მოდიფიცირებულ პროგრამას ხელახლა განსახილველად უბრუნებს ხარისხის უზრუნველყოფის სამსახურს;
- 3.3. ხარისხის უზრუნველყოფის სამსახურის დადებითი დასკვნის შემთხვევაში საგანმანათლებლო პროგრამა განსახილველად და დასამტკიცებლად გადაეცემა კოლეჯის საბჭოს;

	<b>შპს უსაფრთხოების აკადემია</b>	თარიღი	იანვარი 2024
		თავი/მუხლი	1 - 5
	<b>საგანმანათლებლო პროგრამებში ცვლილებების შეტანის პროცედურა</b>	გვერდი	3/3
		რევიზია	0

3.4. ხარისხის უზრუნველყოფის სამსახურის შენიშვნების გაუთვალისწინებლობის შემთხვევაში პროგრამაზე მომუშავე ჯგუფმა წერილობით უნდა წარმოადგინოს დასაბუთება, რის შემდეგაც მხარეთა მოსაზრებებს განიხილავს კოლეჯის საბჭო.

#### **მუხლი 4. პროგრამაში ცვლილებების დამტკიცება**

4.1. კოლეჯის საბჭო იღებს გადაწყვეტილებას პროგრამაში ცვლილებების დამტკიცების შესახებ;

4.2. კოლეჯის საბჭოს გადაწყვეტილება პროგრამაში ცვლილებების შესახებ დასამტკიცებლად წარედგინება კოლეჯის რექტორს.

#### **მუხლი 5. საგანმანათლებლო პროგრამის გაუქმება**

5.1. პროგრამის გაუქმების შესახებ კოლეჯის საბჭოს გადაწყვეტილება, ხარისხის უზრუნველყოფის სამსახურის რეკომენდაციის საფუძველზე, უნდა ემყარებოდეს: შრომის ბაზრის მოთხოვნების კვლევას და/ან რაოდენობრივი ინდიკატორის (პროგრამაზე ჩარიცხის დინამიკა, გარე მობილობით გადმოსული და პროგრამიდან გადასული სტუდენტების სტატისტიკა, პროგრამის დადგენილ ვალში დასრულების მაჩვენებელი, კურსდამთავრებულთა დასაქმების მაჩვენებელი და სხვ.) შესწავლას და/ან პროგრამის მაგერიალურ-ფინანსური და ადამიანური რესურსის შეფასებას;

5.2. კოლეჯის საბჭო უფლებამოსილია მიიღოს გადაწყვეტილება პროგრამის გაუქმების ან გაუქმებაზე უარის შესახებ და ამ უკანასკნელ შემთხვევაში შეიმუშაოს რეკომენდაციები პროგრამის მოდიფიცირების შესახებ;

5.3. პროგრამის გაუქმების შემთხვევაში, კოლეჯი სტუდენტს აძლევს შესაძლებლობას დაასრულოს მიმდინარე სასწავლო სემესტრი;

5.4. პროგრამის გაუქმების შემთხვევაში კოლეჯი გამოსცემს იმ სტუდენტების სტატუსის შეჩერების შესახებ ბრძანებას, რომლებიც ირიცხებიან აღნიშნულ პროგრამაზე;

5.5. ინფორმაცია სტატუსის შეჩერების შესახებ აისახება საგანმანათლებლო დაწესებულებების რეესტრში;

5.6. პროგრამის გაუქმების შემთხვევაში კოლეჯი უფლებამოსილია გამოაცხადოს შიდა მობილობა და შესთავაზოს სტუდენტებს სხვა პროგრამაზე შიდა მობილობის განხორციელება;

5.7. იმ შემთხვევაში, თუ სტუდენტი უარს იცხადებს შიდა მობილობით სარგებლობაზე, მას უფლება აქვს ისარგებლოს გარე მობილობით, მოქმედი კანონმდებლობის შესაბამისად;

5.8. კოლეჯი ვალდებულია მიაწოდოს სტუდენტებს ინფორმაცია მსგავსი საგანმანათლებლო პროგრამების განმახორციელებელი საგანმანათლებლო დაწესებულებების და მობილობასთან დაკავშირებული პროცედურების შესახებ;

5.9. კოლეჯის საბჭოს გადაწყვეტილებას საგანმანათლებლო პროგრამის მიღების, მოდიფიცირების ან გაუქმების შესახებ ამტკიცებს რექტორი.